

Alþingi
Allsherjar- og menntamálanefnd
101 Reykjavík

Reykjavík, 12. desember 2019
Tilvísun: 2019112127/IAH

Efni: Umsögn um frumvarp til laga um breytingu á ýmsum lögum vegna samvinnu stjórnvalda á Evrópska efnahagssvæðinu um neytendavernd (heimildir til rannsókna og framfylgdar)

Persónuvernd vísar til beiðni allsherjar- og menntamálanefndar Alþingis frá 11. nóvember 2019 um umsögn um frumvarp til laga um breytingu á ýmsum lögum vegna samvinnu stjórnvalda á Evrópska efnahagssvæðinu um neytendavernd (heimildir til rannsókna og framfylgdar), (pskj. 374, 330. mál á 150. löggjafarþingi).

Með frumvarpinu eru lagðar til breytingar á lögum á sviði neytendaverndar vegna innleiðingar reglugerðar Evrópuþingsins og ráðsins (ESB) 2017/2394 frá 12. desember 2017 um samvinnu milli landsyfirvalda sem bera ábyrgð á að framfylgja lögum um neytendavernd og um niðurfellingu reglugerðar (EB) 2006/2004. Samhliða frumvarpinu er lagt fram frumvarp þar sem gerð er tillaga um að reglugerðin verði sem slík tekin upp í íslenskan rétt með tilvísunaraðferð.

Í frumvarpinu er lagt til að nokkur ný ákvæði bætist við ýmis lög, þar sem gert er ráð fyrir því að viðkomandi lögbært yfirvald hafi heimild til að afla upplýsinga og gagna sem nauðsynleg þykja við athugun einstakra mála, sbr. til dæmis 5. gr., a-liður 10. gr., a-liður 13. gr., c-liður 14. gr., a-liður 17. gr., og a-liður 18. gr. frumvarpsins.

Persónuvernd áréttar að viðkomandi lögbær yfirvöld gæti að meginreglum persónuverndarlaga, meðal annars um sanngirni og meðalhóf, sbr. 1. og 3. tölul. 1. mgr. 8. gr. laga nr. 90/2019, þegar framangreindar heimildir til gagnaöflunar verða nýttar.

Ekki eru að öðru leyti gerðar athugasemdir við efni frumvarpsins. Verði frekari umsagnar óskað um einstök atriði verður hún fúslega veitt.

Beðist er velvirðingar á þeirri töf sem hefur orðið á afgreiðslu þessa erindis, en hún er tilkomin vegna mikilla anna hjá Persónuvernd.

F.h. Persónuverndar,



Helga Þórisdóttir



Viglís Eva Línal